

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ПРЕДСТАВНИЧКИ ДОМ

Комисија за остваривање равноправности полова



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

PREDSTAVNIČKI DOM/ZASTUPNIČKI DOM

Komisija za ostvarivanje ravnopravnosti spolova
Povjerenstvo za ostvarivanje ravnopravnosti spolova

Broj: 01/6-50-3-6- 12/26

Sarajevo, 21.1.2026.

IZVJEŠTAJ O RADU KOMISIJE ZA OSTVARIVANJE
RAVNOPRAVNOSTI SPOLOVA PREDSTAVNIČKOG DOMA
PARLAMENTARNE SKUPŠTINE BOSNE I HERCEGOVINE
ZA 2025. GODINU

Sarajevo, decembar 2025.

SADRŽAJ

POGLAVLJE I. UVODNI DIO	3
POGLAVLJE II. IZVJEŠTAJ O AKTIVNOSTIMA KOMISIJE.....	4
2.1. Redovne sjednice Komisije	4
2.2. Tematske sjednice i konferencije	5
2.3. Ostale aktivnosti Komisije za ostvarivanje ravnopravnosti spolova.....	5
POGLAVLJE III. SAŽETAK	6
PRILOG: Pregled sjednica Komisije s tačkama dnevnog reda	7

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25, u daljnjem tekstu: Poslovnik), Komisija za ostvarivanje ravnopravnosti spolova Predstavničkog doma Parlamentarne skupštine BiH na 12. sjednici, održanoj **21.1.2026.** godine, usvojila je

IZVJEŠTAJ O RADU ZA 2025. GODINU

POGLAVLJE I. UVODNI DIO

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine BiH (u daljnjem tekstu: Komisija) utvrđene su članom 49. Poslovnika Predstavničkog doma, kojim je propisano da Komisija razmatra pitanja koja se odnose na:

- ostvarivanje ravnopravnosti spolova u Bosni i Hercegovini, naročito u vezi s unapređivanjem statusa žena u Bosni i Hercegovini;
- podsticanje aktivnosti u institucijama BiH na provođenju Platforme za djelovanje Pekinške deklaracije (Četvrta svjetska konferencija o ženama, 1995) u 12 kritičkih sfera;
- podsticanje i koordiniranje aktivnosti s entitetskim parlamentima i Skupštinom Brčko Distrikta BiH na unapređenju statusa žena i provođenju Platforme za djelovanje Pekinške deklaracije;
- razmatranje predloženih zakona i drugih propisa sa stanovišta ravnopravnosti spolova i sprečavanja diskriminacije žena;
- razmatranje prijedloga dokumenata i izvještaja institucija BiH koji se odnose na ostvarivanje ravnopravnosti spolova i provođenje Platforme za djelovanje Pekinške deklaracije u cijelosti, odnosno po pojedinim oblastima;
- razmatranje pripreme za učešće delegacija Bosne i Hercegovine na međunarodnim skupovima kada se razmatra provođenje Pekinške deklaracije (UN, Vijeće za regionalnu saradnju – RCC i sl.);

- druga pitanja u vezi sa ostvarivanjem ravnopravnosti spolova.

POGLAVLJE II. IZVJEŠTAJ O AKTIVNOSTIMA KOMISIJE

2.1. Redovne sjednice Komisije za ostvarivanje ravnopravnosti spolova

U 2025. godini Komisija je održala dvije sjednice s ukupno 7 tačaka dnevnog reda, i to kako slijedi:

<i>Broj i datum održavanja sjednice</i>	<i>Broj razmatranih tačaka dnevnog reda</i>	<i>Broj i ime i prezime članova prisutnih sjednici Komisije</i>	<i>Broj i ime i prezime članova koji nisu bili na sjednici Komisije</i>
10. sjednica održana 22. 1. 2025.	4	6 Miroslav Vujičić – predsjedavajuća, Mia Karamehić-Abazović – prva zamjenica, Rejhana Dervišević – druga zamjenica, Ljubica Miljanović, Sabina Ćudić, Mira Pekić, Amor Mašović	3 Mira Pekić, Denijal Tulumović i Vlatko Glavaš
11. sjednica održana 12. 12. 2025.	3	7 Miroslav Vujičić – predsjedavajući, Rejhana Dervišević – druga zamjenica, Ljubica Miljanović, Mira Pekić, Amor Mašović, Denijal Tulumović i Vlatko Glavaš	2 Mia Karamehić-Abazović – prva zamjenica i Sabina Ćudić
Ukupan broj redovnih sjednica: 2	Ukupan broj razmatranih tačaka: 7	Prosjek prisustva: 72,2 %	Prosjek odsustva: 27,8 %

Osim redovnih sjednica, Komisija je organizirala i jednu tematsku sjednicu, o kojoj će biti više riječi u sljedećem poglavlju.

2.2. Tematska sjednica Komisije za ostvarivanje ravnopravnosti spolova

povodom obilježavanja Međunarodnog dana žena

Tematska sjednica održana je 7. 3. 2025, u zgradi Parlamentarne skupštine BiH u Plavoj sali, pod nazivom „Peking + 30 – Izazovi i perspektive“. Sjednica je održana u organizaciji Komisije za ostvarivanje ravnopravnosti spolova Predstavčkog doma Parlamentarne skupštine BiH i Agencije za ravnopravnost spolova BiH Ministarstva za ljudska prava i izbjeglice BiH, u saradnji s Misijom OSCE-a u Bosni i Hercegovini, UN WOMEN i Ambasdom Kraljevine Švedske u Bosni i Hercegovini.

U okviru dva tematska panela raspravljalo se o stanju ravnopravnosti spolova u Bosni i Hercegovini:

- *„25 godina UN Rezolucije 1325 “Žene, mir i sigurnost“ – Izazovi i perspektive“*
- *„30 godina Pekinške deklaracije i Platforme za akciju - Izazovi i perspektive“*

Usvojene su i zajedničke preporuke s tematske sjednice.

- Pekinška deklaracija i Platforma za akciju je inspiracija i putokaz i predstavlja temelj za efikasno i jedinstveno strateško djelovanje;
- Neka nam do sada postignuti rezultati budu pokazatelji kako možemo dalje djelovati lokalno, regionalno i globalno, naročito ako govorimo o ravnopravnosti spolova u postizanju i očuvanju održivog mira i sigurnosti;
- Bosna i Hercegovina ostaje čvrsto opredjeljena za primjenu međunarodnih i domaćih standarda na prevazilaženju diskriminacije na osnovu spola i ostvarivanja ravnopravnosti spolova u svim oblastima života i rada;
- Naglašavamo neophodnost prevencije i suzbijanja svih oblika nasilja na temelju spola, nasilja u porodici, seksualnog uznemiravanja na poslu i u online svijetu, ali ne zaboravimo potrebu ravnopravnog sudjelovanja žena u političkom životu kao i na prevazilaženju problema u oblasti zdravstvene i socijalne zaštite, te klimatskih promjena ili elementarnih nepogoda;
- Pozovimo sve muškarce i žene da daju svoj doprinos u postizanju ravnopravnosti spolova, kako u svom privatnom tako i profesionalnom životu, djelujući na prevazilaženju sve prisutnijih retrogradnih stavova koji umanjuju ljudska prava žena, djevojaka i djevojčica.

2.3. Ostale aktivnosti Komisije za ostvarivanje ravnopravnosti spolova

Članovi rukovodstva Komisije održali su radni sastanak s s parlamentaracima iz Azijskih zemalja. Sastanak je organizirala Agencija za ravnopravnost spolova BiH, Ministarstva za ljudska prava i izbjeglice BiH u saradnji s Misijom OESS-a za BiH i Azijskim interparlamentarnim forumom za pitanje demografije a u sastavu njihove studijske posjete

Bosni i Hercegovini. Sasatanak je organiziran u zgradi Parlamentarne skupštine BiH. Na sastanku su razmijenjene informacije i mišljenja o stanju ravnopravnosti spolova kao i ideje i mogućnosti poboljšavanja stanja ravnopravnosti spolova. Parlamentarci Azijskih zemalja su pokazali veliki interes o stanju ravnopravnosti spolova u BiH postavljajući niz pitanja praveći paralele sa stanjem ravnopravnosti spolova u svojim državama.

Na zahtjev članica i članova Komisije a na osnovu upita upućenog MUP-ovima u 2024-oj godini, dostavljeni su podaci o stanju nasilja nad ženama i nasilja u porodici iz svih 10 kantona Federacije Bosne i Hercegovine kao i Entiteta Republika Srpska i Brčko distrikta. Na osnovu tih podataka je Istraživački sektor satavio istraživački rad pod nazivom “Podaci o broju prijavljenih i procesuiranih slučajeva nasilja nad ženama i nasilja u porodici te izrečenih pravomoćnih presuda u Bosni i Hercegovini za period 2014. – 2024. godine”.

POGLAVLJE III. SAŽETAK

Komisija je redovno analizirala stanje ravnopravnosti spolova u raznim oblastima javnog i privatnog života u Bosni i Hercegovini, uvažavajući stavove i vladinog i nevladinog sektora, te nastojeći postići uravnoteženo mišljenje koje bi svojim preporukama podstaknulo na aktivnosti s ciljem poboljšanja stanja u Bosni i Hercegovini.

Bitno je istaknuti i višegodišnje strateške partnere s kojima je Komisija za ostvarivanje ravnopravnosti spolova, kako ranijih godina tako i tokom protekle godine, najviše saradivala, a to su: Agencija za ravnopravnost spolova Ministarstva za ljudska prava i izbjeglice BiH, *UN Women*, UNDP, OSCE/ODIHR za BiH te brojne nevladine organizacije.

PRILOG:

Pregled sjednica Komisije u 2025. godini s tačkama dnevnog reda

➤ 10. sjednica, 22. 1. 2025. godine

Dnevni red:

1. Usvajanje Zapisnika 9. sjednice Komisije;
2. Razmatranje Izvještaja o radu Komisije za ostvarivanje ravnopravnosti spolova za 2024. godinu;
3. Razmatranje Plana rada Komisije za ostvarivanje ravnopravnosti spolova za 2025. godinu;
4. Tekuća pitanja.

➤ 11. sjednica, 12. 12. 2025. godine

Dnevni red:

1. Usvajanje Zapisnika 10. sjednice Komisije;
2. Razmatranje Izvještaja o radu Vijeća ministara BiH za 2024. godinu, u dijelu koji se odnosi na rad Agencije za ravnopravnost spolova BiH, Ministarstva za ljudska prava i izbjeglice BiH;
3. Tekuća pitanja.

PREDSJEDAVAJUĆI KOMISIJE

Miroslav Vujičić